

ԷԿՈՆՈՄԻԿԱ

ԻՐԱԿԼԻ ԴԱՐԻԲԱՇՎԻԼԻ. «ՀՈՒՆԻՍԻՆ ՏՆՏԵՍԱԿԱՆ ԱՃԸ ԿԱԶՄԵԼ Է 7,2 ՏՈԿՈՍ, ԻՍԿ ԴԱ ՆՇԱՆԱԿՈՒՄ Է, ՈՐ ԱՌԱՋԻՆ ԿԻՍԱՄՅԱԿԻ ԱՃԸ ԿԱԶՄԵԼ Է 10,5 ՏՈԿՈՍ»

Վրաստանի վարչապետ Իրակլի Դարիբաշվիլին, համրագումարելով ընթացիկ տարվա անցած ժամանակահատվածում տնտեսական գործունեության արդյունքները, հայտարարեց, որ ընթացիկ տարվա հունիսին տնտեսական աճի դինամիկան պահպանվեց՝ կազմելով 7,2 տոկոս:



Վարչապետի հավաստմամբ, դա նշանակում է, որ հունվար-հունիսին տնտեսական աճի միջին ցուցանիշը կազմել է 10,5 տոկոս, ինչը բացառիկ է ոչ միայն տարածաշրջանի, այլև Եվրոպայի ծավալով:
- Բնականաբար, մենք ամեն ինչ արեցինք, որպեսզի դրական դինամիկան պահպանվեր: Ցանկանում եմ մարդկանց տեղեկացնել, որ արժեքի հավելյալ հարկ վճարող արտադրությունների թիվը հունիսին ավելացել է 20,4 տոկոսով, գրանցվել է 66,41 նոր արտադրություն:

Հաշվետու ժամանակահատվածում երկրից արտահանվող ապրանքների ծավալն ավելացել է 28 տոկոսով եւ կազմել 448 միլիոն դոլար,- ասաց վարչապետը՝ հավելելով, որ աշխուժություն է նկատվել նաեւ գյուղատնտեսության ոլորտում: Այստեղ գրանցվել է 88 տոկոսի աճ եւ պետական բյուջե է մուտք գործել 300 միլիոն դոլար:
Ինչպես նշեց Իրակլի Դարիբաշվիլին վարկային-վարկանիշային «Փիչի» ընկերությունը

Վրաստանը կրկին գնահատել է կայուն BB մակարդակով, ինչն է՛լ ավելի է ընդգծում Վրաստանի կայուն առաջընթացը՝ որպես գործընկեր հուսալիությունը:
- Վրաստանի տնտեսական աճը վավերացվեց կանխագծվածից ավելի բարձր մակարդակով, իսկ կայուն զարգացման կարգավիճակի շնորհիվ ընդգծում է կառավարման արդյունավետ մակարդակի հուսալիությունը,- նշեց Իրակլի Դարիբաշվիլին:

ԷԿՈՆՈՄԻԿԱ

ԳԵՐԱՏԵՍՉԱԿԱՆ ԽՈՐՀՐԴԻ ՆԻՍՏ՝ ՎՐԱՍՏԱՆԻ ՎԱՐՉԱՊԵՏԻ ՆԱԽԱԳԱՅԻՆՈՒԹՅԱՄԲ

Օգոստոսի 1-ին, Վրաստանի վարչապետ Իրակլի Դարիբաշվիլու գլխավորությամբ, անցկացվեց երկրի զարգացման եւ բարեփոխումների միջգերատեսչական խորհրդի նիստը:

Նիստում կառավարության ղեկավարը, գործադիր եւ օրենսդիր իշխանությունների ներկայացուցիչների հետ, քննարկեց երկրի ազգային զարգացման ռազմավարական փաստաթղթի առաջնահերթ ուղղություններն ու դրանց իրականացման հետագա քայլերը:
Քննարկմանը Իրակլի Դարիբաշվիլին նշեց, որ կառավարության կողմից նախատեսվող յուրաքանչյուր բարեփոխում, ծրագիր, նախագիծ ծա-

ռայում է քաղաքացիների պայմանների բարելավմանը, նրանց բարեկեցության ապահովմանն ու երկրի հզորացմանը:
Քննարկումների արդյունքներով՝ Վրաստանի կառավարության ղեկավարը կոնկրետ հանձնարարականներ տվեց առանձին գերատեսչությունների: Հստակեցվեց նաեւ հանձնարարությունների կատարման ժամկետը:

ԵՎՐԱԽՆՏԵԳՐՈՒՄ

ՇԱԼՎԱ ՊԱՊՈՒԱՇՎԻԼԻՆ ՀԱՆԴԻՊԵՏ ԵՎՐԱՄԻՈՒԹՅԱՆ ԱՆԴԱՄ ԵՐԿՐՆԵՐԻ ԴԵՄՊԱՆՆԵՐԻՆ

Օգոստոսի 3-ին, Վրաստանի խորհրդարանի նախագահ Շալվա Պապուաշվիլին հանդիպում ունեցավ Եվրամիության անդամ երկրների դեսպանների եւ դեսպանությունների ներկայացուցիչների հետ: Հանդիպման հիմնական թեման Եվրամիության 12 հանձնարարականների կատարման ընթացքն էր:



Խորհրդարանի նախագահը հանդիպմանը մասնակցողներին տեղեկություն հաղորդեց ժամանակացույցի մասին, որի շրջանակներում նախատեսվում է համապատասխան օրենսդրական նախաձեռնություններ ներկայացնել Վրաստանի խորհրդարանում:
Ինչպես նշեց Շալվա Պապուաշվիլին՝ խորհրդարանի կանոնակարգով նախատեսված ձեւաչափերն ապահովում են կողմերի ներգրավվածությունն այս գործընթացում, եւ բոլոր շահագրգիռ

կողմերի մասնակցությունը կարելի է օրենքների նախագծեր մշակելու եւ քննարկելու համար:
Եվրամիության անդամ երկրների դեսպանների հետ հանդիպմանը՝ խորհրդարանի նախագահի հետ մասնակցեցին Եվրոպական ինտեգրման հանձնաժողովի նախագահ Մակա Բոճորիշվիլին եւ արտաքին հարաբերությունների հանձնաժողովի նախագահի առաջին տեղակալ Գիորգի Խելաշվիլին:

ՎՐԱՍՏԱՆ - ՀԱՅԱՍՏԱՆ

ԸՆԴՊԾՎԵՅ ԵՐԿԿՈՐՍ ՕՐԱԿԱՐԳԻ ԱՌԱՋԽԱՂԱՅՄԱՄԲ ԲԱԶՄՈՒՈՐՏ ՀԱՄԱԳՈՐԾԱԿՅՈՒԹՅԱՆ ԽՈՐԱՅՈՒՄԸ

Օգոստոսի 1-ին, աշխատանքային այցով, Թբիլիսիում էր գտնվում Հայաստանի վարչապետի աշխատակազմի ղեկավար Արայիկ Հարությունյանը: Այցի շրջանակներում՝ հայաստանցի հյուրը հանդիպումներ ունեցավ Վրաստանի վարչապետ Իրակլի Դարիբաշվիլու, Վրաստանի վարչապետի աշխատակազմի ղեկավար Ռեւազ Ջավելիժեի, արտաքին գործերի նախարար Իլիա Դարչիաշվիլու հետ:



Վրաստանի վարչապետի եւ Հայաստանի վարչապետի աշխատակազմի ղեկավարի հանդիպմանը՝ Իրակլի Դարիբաշվիլին ողջունեց Արայիկ Հարությունյանի աշխատանքային այցը Վրաստան եւ բարձր գնահա-

տեց վրաց-հայկական քաղաքական երկխոսության բարձր մակարդակը: Վարչապետը գոհունակություն հայտնեց, որ երկու երկրների փոխհարաբերությունները զարգանում են դինամիկ

(Շարունակությունը՝ 2-րդ էջում)

ՄՈՑԻԱԼԱԿԱՆ

ՄԻՆԶԵՎ 2026 ԹՎԱԿԱՆԸ ԱՄԵՆ ՏԱՐԻ ՀԱՆՐԱՅԻՆ ԱՇԽԱՏՈՂՆԵՐԻ ԱՇԽԱՏԱԿԱՐՁԸ ԿԱՎԵԼՆԱԼ 10 ՏՈԿՈՍՈՎ

Օգոստոսի 2-ին, Վրաստանի կառավարության նիստում, վարչապետ Իրակլի Դարիբաշվիլին հայտարարեց, որ մինչեւ 2026 թվականն ամեն տարի համրային աշխատողների աշխատավարձը կավելանա առնվազն 10 տոկոսով, ընդհանուր առմամբ, 3-4 տարվա ընթացքում ավելացումը կկազմի ավելի քան 50 տոկոս:



Վարչապետի հավաստմամբ, տնտեսական աճը թույլ կտա համրային աշխատողներին ապահովել լրացուցիչ եկամուտ, իրակլի Դարիբաշվիլին հայտարարեց, որ լրացուցիչ եկամուտները կառավարությանը թույլ

կտան ֆինանսավորել շատ ավելի մեծ թվով նախագծեր:
- Բյուջեն ավելացել է, տնտեսական աճը թույլ է տալիս ավելի մեծ գումարներ հատկացնել կառավարությանը թույլ

(Շարունակությունը՝ 3-րդ էջում)

ԼԱՐԻՆ ՇԱՐՈՒՆԱԿՈՒՄ Է ԿԱՅՈՒՆԱՆԱԼ

Համաշխարհային շուկայում նկատվում է ապրանքների գների նվազեցման միտում, թեւս Վրաստանում այդ գործընթացը նույնիսկ նվազագույն մակարդակով է բարձրանում:

Չնայած նրան, որ վերջին ամիսներին ազգային տարադրամը՝ լարին, նկատելիորեն կայունացել է, շուկայում դա գործնականում ոչ մի ազդեցություն չի գործում: Երկրում շարունակվում է բարձր գների պահպանում ինչպես պարենամթերքի, այնպես էլ՝ սանիտարա-հիգիենիկ սպասարկումների վրա:
2022 թվականի հուլիսին, նախորդ ամսվա համեմատ, Վրաս-

տանում գնաճի մակարդակը կազմել է 0,2 տոկոս, իսկ տարեկան գնաճը կազմել է 11,5 տոկոս:
Գնաճի ամսական ինդեքսի ձեւավորման վրա հիմնականում ազդել են հետեւյալ խմբերի գների փոփոխությունները:
Տրանսպորտային խմբում գներն աճել են 2,4 տոկոսով, անձնական մեքենաների շահագործման ծախսերը՝ 2,8 տոկոսով, (Շարունակությունը՝ 4-րդ էջում)

ՎՐԱՍՏԱՆ - ՀԱՅԱՍՏԱՆ

ԸՆԴՈՒՄ ԵՐԿԿՈՂՄ ՕՐԱԿԱՐԳԻ ԱՌԱՋԽԱՂԱՅՄԱՄԲ ԲԱԶՄՈՒՈՐՏ ՀԱՄԱԳՈՐԾԱԿՈՒԹՅԱՆ ԽՈՐԱՅՈՒՄԸ

(Սկիզբը՝ 1-ին էջում)

կերպով, ինչը լավ հենք է փոխգործակցության հետագա ընդլայնման համար:

Իր հերթին, Արայիկ Հարությունյանը Վրաստանի վարչապետին փոխանցեց Հայաստանի վարչապետ Նիկոլ Փաշինյանի ջերմ ողջույնները, ընդգծեց, որ Հայաստանը հետաքրքրված է Վրաստանի հետ բազմոլորտ համագործակցության խորացմամբ ու երկկողմ օրակարգի առաջնությունը:

Ձրուցակիցները քննարկեցին վրաց-հայկական գործընկերության օրակարգին վերաբերող հարցեր, անդրադարձան նաեւ տարածաշրջանային իրավիճակին ու զարգացումներին:

Հանդիպման ավարտին Իրակլի Դադիբաշվիլին խնդրեց իր ջերմ ողջույնները փոխանցել Նիկոլ Փաշինյանին:

Վրաստանի վարչապետի աշխատա-

կազմի ղեկավար Ռեւազ Ջավեղիձեի հետ հանդիպմանը՝ կողմերը քննարկեցին երկու երկրների պետական կառավարման մարմինների միջեւ փոխգործակցությունը, տարբեր ուղղություններով իրականացվող բարեփոխումներին վերաբերող հարցեր:

Նույն օրը կայացավ Վրաստանի արտաքին գործերի նախարար Իլիա Դարչիաշվիլու եւ Հայաստանի վարչապետի աշխատակազմի ղեկավար Արայիկ Հարությունյանի հանդիպումը:

Ձրուցակիցները կարեւորեցին երկու հարեւան եւ բարեկամ երկրների միջեւ հարաբերությունների հետևողական զարգացումն ու ընդլայնումը՝ ընդգծելով բարձր մակարդակի փոխայցելությունների կարեւորությունը,



անդրադառնալով Հարավային Կովկասի տարածաշրջանում տեղի ունեցող գործընթացներին, ինչպես նաեւ երկուստեք հետաքրքրություններ կայացրեցին:

ԵՎՐԱՆՏԵԳՐՈՒՄ

ԵՎՐԱՄԻՈՒԹՅԱՆ ՀԱՆՁՆԱՐԱՐԱԿԱՆՆԵՐԻ ՀԱՐՑՈՎ ՍՏԵՂԾՎՈՒՄ Է ԱՇԽԱՏԱՆՔԱՅԻՆ ՀԻՆԳ ԽՈՒՄԸ



Ինչպես հայտարարեց Վրաստանի խորհրդարանի իրավաբանական հարցերի կոմիտեի նախագահ Անրի Օխանաշվիլին՝ Եվրահանձնաժողովի հանձնարարականների հիման վրա խորհրդարանի իրավաբանական հարցերի կոմիտեն կստեղծի հինգ աշխատանքային խումբ:

Այս խմբերն աշխատելու են ապառիզարի գարնանը, դատախազական բարեփոխումների, «Ընտրական օրենսգրքի», հակակոռուպցիոն գործակալության ստեղծման եւ հատուկ քննչական ծառայության եւ անձնական տվյալների

պաշտպանության ծառայությունների ուղղությամբ:

Կոմիտեի նախագահի խոսքով, «Վրացական երազանքը» ընդդիմախոսներին ներկայացրել էր ապառիզարի գարնանը հարցի ուղղահայան մոդելը, որի շուրջ դիրքորոշումները բաժանվել էին քաղաքական կուսակցությունների միջեւ: Ընդդիմության մի մասը դեմ է Ուկրաինայի օրենսդրության մեջ նմանատիպ փոփո-

խությունների ընդունմանը: Նրանց իշխող թիմն առաջարկել է ներկայացնել սեփական տեսլականը:

Նշենք, որ «ապառիզարի գարնան», դատախազական բարեփոխումների, հակակոռուպցիոն միջոցառումների եւ Հատուկ քննչական ծառայության եւ անձնական տվյալների պաշտպանության ծառայության հետագա ինստիտուցիոնալ հզորացման աշխատանքային խմբերը կգլխավորի իրավական հարցերի հանձնաժողովի նախագահ Անրի Օխանաշվիլին, իսկ Վրաստանի Ընտրական օրենսգրքի վերանայման աշխատանքային խումբը՝ «Վրացական երազանք» խմբակցության առաջին փոխնախագահ Գիվի Միկանաձեն:

ԻՐԱԿԼԻ ԿՈՐԱԽԻՁԵ. «Ո՛՞՞ ԸՆՏՐԱԿԱՆ ՇԵՄԸ, Ո՛՞՞ ՍԱԿԱՇԿԻՆՈՒ ՀԱՐՁԸ, Ո՛՞՞ ԲԻՋԻՆԱ ԻՎԱՆԻՇՎԻՆՈՒ ՔԱՂԱՔԱԿԱՆՈՒԹՅՈՒՆ ՎԵՐԱԴԱՌՆԱԼԸ, Ո՛՞՞ ՄԻ ԿԱՊ ԶՈՒՆԵՆ ԵՎՐԱԶՆԱՆԱԺՈՂՈՎԻ ՀԱՆՁՆԱՐԱՐԱԿԱՆՆԵՐԻ ՀԵՏ»

«Վրացական երազանքի» նախագահ Իրակլի Կոբախիձեն, մեկնաբանել է «Գիրչի» եւ «Քաղաքացիներ» խմբակցությունները ներկայացնող պատգամավորների՝ Լեւան Իոսելիանու, Իսադո Խվիչիայի, Վախթանգ Մեգրելիշվիլու, Ալեկո Ելիսաշվիլու, Հերման Սաբոյի եւ Ալեքսանդր Ութլիշվիլիի հայտարարությունը:

Ըստ պատգամավորների՝ Եվրամիության թեկնածու երկրի կարգավիճակ ստանալու եւ բեւեռացմանը վերջ դնելու համար՝ առաջարկվել են երեք պայմաններ՝ կապված ընտրաշեմի, Սաակաշվիլու եւ Իվանիշվիլու հետ: Մեկնաբանելով այս հայտարարությունը, Իրակլի Կոբախիձեն նշեց, որ վերջինիս բովանդակությունը պարզ չէ:

- Փաստորեն, ո՛չ ընտրական պատմեղը, ո՛չ Սաակաշվիլու հարցը, ո՛չ Բիձինա Իվանիշվիլու քաղաքականություն վերադառնալու հարցը, կապ չունեն Եվրահանձնաժողովի եզրակացության մեջ պարունակվող 12 կե-

տերի հետ, հետեւաբար, մեզ համար անհասկանալի է այս նամակի բովանդակությունը: Մենք քննարկում ենք ունենք 12 կետերի իրականացման հետ կապված բոլոր թեմաների շուրջ եւ կշարունակենք աշխատել այս պլանով,- հայտարարեց Իրակլի Կոբախիձեն:



ՈՒՄՄ - ՈՒԿՐԱԻՆԱԿԱՆ ՈԱԶՄԱԿԱՆ ՀԱՎԱՄԱՐՏՈՒԹՅՈՒՆ. 163-ՐԴ ՕՐ

ՈՒԿՐԱԻՆԱՑԻ ՓԱԽՍՏԱԿԱՆՆԵՐԻ ՕԳՆՈՒԹՅԱՆ ՀԻՄՆԱԴՐԱՄ ՎՐԱՍՏԱՆՈՒՄ

Վրաստանում հասարակական կազմակերպությունների ներկայացուցիչներն ու քաղաքացիական ակտիվիստները հիմնադրամ են ստեղծել, որի նպատակն ուկրաինացի փախստականներին ժամանակավոր բնակարաններով ապահովելն է: Հիմնադրամին կարող է գումար փոխանցել ցանկացած մարդ:

Հաշվի բացման մասին այսօր հայտարարել է Open Society Georgia հասարակական կազմակերպությունը, որն արդեն հիմնադրամին է փոխանցել 150 հազար լարի:

ԹԲԻԼԻՍԻ ՔԱՂԱՔԱՊԵՏԱՐԱՆԸ ԻՐԱԿԼԱՑՐԵՑ ՈՒԿՐԱԻՆԱՑԻ ՔԱՂԱՔԱՑԻՆԵՐԻ ԱՋԱԿՑՈՒԹՅԱՆ ԾՐԱԳԻՐԸ

Ուկրաինայի քաղաքացիներին կացարանով եւ սննդով ապահովելու ծրագրի վերաբերյալ Թբիլիսիի քաղաքապետարանը պաշտոնական հայտարարություն է

ՈՍԲԱԿՈԾՎԵԼ ԵՆ ԴՆԵՊՐՈՊԵՏՐՈՎՍԿԻ ԵՎ ԽԱՐԿՈՎԻ ՇՐՋԱՆՆԵՐԸ

Ուկրաինական լրատվամիջոցների փոխանցմամբ՝ ռուսական օկուպացիոն ուժերը ռմբակոծել են Ուկրաինայի Դնեպրոպետրովսկի եւ Խարկովի շրջանները:

Ուկրաինական «Հարավային» օպերատիվ հրամանատարության տվյալներով, ռուս օկուպանտները փորձում են ամրապնդել իրենց դիրքերը Ուկրաինայի հա-

րավում եւ հակահարձակում են նախապատրաստում հասնելու Խերսոնի շրջանի վարչական սահման:

ԽԱՂԱՂ ԲԱՆԱԿՑՈՒԹՅՈՒՆՆԵՐԻ ԶՈՐՍ ՊԱՅՄԱՆՆԵՐԸ

Ուկրաինայի նախագահի աշխատակազմում անվանվել են Ռուսաստանի հետ բանակցությունների համար անհրաժեշտ չորս պայմանները:

- Ռուսաստանի հետ բանակցելու համար անհրաժեշտ է ճիշտ դիրքորոշում: Սա ներառում է չորս պարզ բաղադրիչ. 1. Հեռահար հրետանի, հրթիռային համակարգեր եւ ամերիկյան օպերատիվ-մարտավարական հրթիռային համակարգեր՝ ռուսական նյութատեխնիկական միջոցները ոչնչացնելու համար: 2. ՀՊՊ եւ հակահրթիռային համակարգեր ուկրաինական քաղաքները պաշտպանելու համար: 3. Հարձակողական անօդաչու թռչող սարքեր՝ լավագույն որսորդները, 4. Զրահատեխնիկա հակահարձակման համար,- հայտարարել է Ջելենսկո գրասենյակի ղեկավար Միխայիլ Պոդոլյակը:

Էլը պատրաստեց ՄԻՄՆ ԿԻԼԱԶԵՆ



ԱՄՆ-ԶԻՆԱՍՏԱՆ ԿՈՆԳՐԵՍԻ ԽՈՍՆԱԿԻ ԱՅՑԸ ԹԱՅՎԱՆ՝ ՍՈՒՐ ԱՌՃԱԿԱՏՄԱՆ ՊԱՏՃԱՌ

ԱՄՆ Կոնգրեսի ներկայացուցիչների պալատի նախագահ Նենսի Փելոսին, ասիական շրջայցի շրջանակներում, օգոստոսի 2-ին եղավ Թայվանում, որտեղ հանդիպում ունեցավ երկրի նախագահի հետ: Հիմաստանը այցը գնահատեց որպես սադրանք եւ երկրի տարածքային ամբողջականության խախտում: Հիմնական զնված ուժերը լայնածավալ զորավարություններ սկսեցին Թայվանի նեղուցում եւ կղզու հարակից տարածքում:

Սպիտակ տունը հայտարարեց, որ չի ցանկանում ամերիկացի բարձրաստիճան քաղաքական գործչի այցը Թայվան, դառնա Պեկինի եւ Վաշինգտոնի միջեւ լարվածության կամ հակամարտության պատճառ, քանի որ դրա համար որեւէ պատճառ չկա:

ԱՄՆ-ՈՒՍԱՍՏԱՆ ՀԱՅՏՆՎԵՑ ՄՊԱՌԱՋԻՆՈՒԹՅԱՆ ՇՈՒՐ ԲԱՆԱԿՑՈՒԹՅՈՒՆՆԵՐԻ ՊԱՏՐԱՍՏԱԿԱՍՏՈՒԹՅՈՒՆ

Ամերիկյան իշխանությունները շարունակում են պատրաստ լինել Ռուսաստանի հետ սպառնալիքներին նկատմամբ վերահսկողության ապագա համակարգի ձեւավորման շուրջ երկխոսությանը: Այդ մասին հայտնեց միջուկային չտարածման հարցերով ԱՄՆ-ի նախագահի հատուկ ներկայացուցիչ Ադամ Շեյնմանը:

Նշենք, որ ԱՄՆ նախագահ Ջո Բայդենն ավելի վաղ հայտարարել է Ռուսաստանի հետ ՌԴՄ-3-ի (ռազմավարական հարձակողական սպառնալիքներին կրճատման եւ սահմանափակման պայմանագրի) փոխարեն, համաձայնագիր ձեռք բերելու շուրջ բանակցային գործընթաց սկսելու պատրաստակամության մասին, որի գործողության ժամկետը լրանում է 2026 թվականին:

ԱՄՆ ԶՈ ԲԱՅՏԵՆԸ 2024-ԻՆ ԿՄԱՍՆԱԿՑԻ ՆԱԽԱԳԱՐԱԿԱՆ ԸՆՏՐՈՒԹՅՈՒՆՆԵՐԻՆ

ԱՄՆ գործող նախագահ Ջո Բայդենը մտադիր է առաջադրվել նախագահի թեկնածությանը նաեւ 2024 թ.-ին կայանալիք ընտրություններում: Այդ մասին հայտնել է Սպիտակ տան մամուլի քարտուղար Կարին ժան-Պիերը, թեպետ չի մեկնաբանել ամերիկյան այլ լրատվամիջոցների հարցումների՝ լրագրողի մեջբերած արդյունքները, որոնց համաձայն՝ նախագահ Ջո Բայդենի վարկանիշն ընկել է, եւ դեմոկրատներից շատերը չեն ցանկանում, որ նա առաջադրվի հաջորդ ընտրություններում:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՍՈՑԻԱԼԱԿԱՆ

ՄԻՆՉԵՎ 2026 ԹՎԱԿԱՆԸ ԱՄԵՆ ՏԱՐԻ ՀԱՆՐԱՅԻՆ ԱՇԽԱՏՈՂՆԵՐԻ ԱՇԽԱՏԱՎԱՐՁԸ ԿԱՎԵԼԱՆԱ 10 ՏՈԿՈՍՈՎ

(Սկիզբը՝ 1-ին էջում)

կացնել գերատեսչություններին՝ տարբեր նախագծերի ֆինանսավորման համար,- ընդգծեց վարչապետը:

Իրակլի Ղարիբաշվիլու խոսքով, գործադիրը համեմատել է մասնավոր եւ

հանրային հատվածների աշխատանքի վարձատրության չափերը:

- Տարբերությունը նկատելի է, ուստի քայլեր ենք ձեռնարկում այն վերացնելու ուղղությամբ: Հունվարին 10 տոկոսով ավելացրինք հանրային աշխատողների աշխատավարձը: Այսպիսով,

մինչեւ 2026 թվականը, ամեն տարի հանրային աշխատողների աշխատավարձը կավելացվի 10 տոկոսով, եւ հուսով ենք, որ 3-4 տարվա ընթացքում աշխատավարձի ավելացումը կկազմի 50 տոկոս,- հայտարարեց վարչապետը:



ՕԳՈՍՏՈՍՅԱՆ ՊԱՏԵՐԱԶՄԻՑ 14 ՏԱՐԻ ԱՆՑ...

14 տարի է անցել 2008 թվականի օգոստոսի 8-ից, երբ Ռուսաստանը ռազմական ագրեսիա սկսեց Վրաստանի դեմ: Հնգօրյա պատերազմի ընթացքում վրացական կողմը կորցրեց 412 զինծառայող եւ քաղաքացիական անձ, շուրջ 80 հազար բնակիչ մնաց անօթեւան: Ռազմական գործողությունների հետեւանքով՝ Ռուսաստանը ճանաչեց, այսպես կոչված, «Աբխազիայի եւ Հարավային Օսեթիայի» անկախությունը:

ՀԱՄԱՆԵՐՈՒՄ 11 ՂԱՏԱՊԱՐՏՅԱԼԻ

Հուլիսի 26-ին Վրաստանի նախագահ Սալոմե Ջուրաբիշվիլին համաներում շնորհեց 11 դատապարտյալի:

Նախագահի վարչակազմի հաղորդման համաձայն, քրեակատարողական հիմնարկում պատժի հետագա կրումից ազատվել է 10 դատապարտյալ, կրճատվել է մեկ դատապարտյալի պատժաչափը:

Նախագահի վարչակազմի տվյալներով, համաներվածներից մեկը կին է:

ՀԻՄՆՎՈՒՄ Ե «ԺՈՂՈՎՐԴԻ ՈՒԺ» ՀԱՍԱՐԱԿԱԿԱՆ ՇԱՐԺՈՒՄ

Վրաստանի կառավարող «Վրացական երազանք» կուսակցությունից հեռացած պատգամավորներ Սոգար Սուբարին, Դիմիտրի Խուճեղաձեն, Միխեիլ Ղալվեշվիլին եւ Գուրամ Մաճարաշվիլին հիմնում են «Ժողովրդի ուժ» հասարակական շարժում, որը կմիավորի քաղաքացիների, պատգամավորների, ավագանու անդամների եւ հասարակության այլ ներկայացուցիչների: Նրանց հավաստմամբ, եթե տեսնեն, որ իշխանությունն այլեւս չկարողանա դիմակայել պատերազմի հետ կապված ճնշումներին, ապա, հնարավոր է՝ հասարակական շարժումը դառնա քաղաքական կուսակցություն:

ԵՐԿՈՒՄ ԱՍՈՒՄՆՈՒԹՅԱՆ ԳՐԱՆՑՈՒՄԸ ԹԱՆԿԱՆՈՒՄ Ե

Վրաստանում օգոստոսի 1-ից Արդարադատության տներում կան համայնքային կենտրոններում ամուսնության ձեւակերպման ծառայությունը (համդիսավոր կարգով ամուսնության արարողության անցկացում) կարժեճա 75 լարի (25 դոլար), 50 լարի (17 դոլար) փոխարեն:

Բացի այդ, Վրաստանի Սպասարկման գործակալության ամուսնության տանը, շաբաթ եւ կիրակի օրերին, ամուսնության գրանցումը կարժեճա 225 լարի (76 դոլար), իսկ մյուս օրերին՝ 135 լարի (45 դոլար):

Նշենք, որ մինչ փոփոխության ուժի մեջ մտնելը, ամուսնության տանը հանգստյան օրերին ամուսնության ձեւակերպման ծառայությունը կարժեճա 150 լարի, իսկ մնացած օրերին՝ 90 լարի:

ՈՂԲԵՐԳՈՒԹՅՈՒՆ

ՓՐԿԱՐԱՐԱԿԱՆ ԳՈՐԾՈՂՈՒԹՅԱՆ ԺԱՄԱՆԱԿ ԳՈՒԴԱՌՈՒԹՅՈՒՆ ԿՈՐԾԱՆՎԵՅՈՒՂԱԹԻՐ



ՀՈՒԼԻՍԻ 30-ԻՆ ՎՐԱՍՏԱՆՈՒՄ ՀԱՅՏԱՐԱՐՎԵՑ ՍԳՈ ՕՐ

Հուլիսի 27-ին, Վրաստանի ներքին գործերի նախարարության (ՆԳՆ) սահմանային ոստիկանությանը պատկանող ուղղաթիռը, որի օգնությամբ իրականացվում էր Գուդաուրիում ընկած պարապլաներների փրկարարական աշխատանքը կորցրեց կառավարումն ու կործանվեց:

Գուդաուրիում տեղի ունեցած ողբերգության կապակցությամբ հուլիսի 30-ին Վրաստանում հայտարարվեց սգո օր:

Տեղի ունեցած ողբերգության կապակցությամբ իրենց ցավակցությունն են հայտնել Վրաստանի վարչապետ Իրակլի Ղարիբաշվիլին, նախագահ Սալոմե Ջուրաբիշվիլին:

Վրաստանի կառավարության որոշմամբ՝ 100 հազարական լարի կհատկացվի Գուդաուրիում փրկարարական գործողության ընթացքում զոհված փրկարարների, օդաչուների եւ բժիշկների ընտանիքներին:

Վրաստանի նախագահ Սալոմե Ջուրաբիշվիլին հետմահու պարգևատրել է Գուդաուրիում փրկարարական գործողության ընթացքում զոհված օդաչուներ Ջազա Լորիային, Անդրո Ջուդոշվիլուն ռադիստ Դիմիտրի Քաաձեին, բորտ-ինժեներ Լեւան Չոխեյլուն, փրկարարներ Կախա Տորչինաձային, Գիորգի Մարգիանուն, բժիշկներ Քեթեան Գուլաղաշվիլուն, Գիորգի Վենեցկիին:

ԴԻՐՔՈՐՈՇՈՒՄ

ՄԻԽԵԻԼ ՍԱԿԱՇՎԻԼԻՆ ՇԵՈՒՆՈՒՄ Ե ՎՐԱՅԱԿԱՆ ԲԱՐԱՔԱԿԱՆՈՒԹՅՈՒՆԻՅ

Հուլիսի 30-ին, Վրաստանի երրորդ նախագահ Միխեիլ Սաակաշվիլու փաստաբան Վալերի Գելբախիանին հայտնել է, որ Սաակաշվիլին հրաժարվում է վրացական քաղաքականությունից: Փաստաբանի հավաստմամբ՝ երրորդ նախագահը խզում է կապերը իր իսկ հիմնադրած ընդդիմադիր «Միասնական ազգային շարժման» հետ:

Փաստաբանի խոսքով՝ որոշման պատճառը Միխեիլ Սաակաշվիլու կյանքը փրկելն է:

- Հիմա կյանքի ու մահվան հարց է, ոչ թե՝ քաղաքականության,- ասել է Գելբախիանին:

Հիշեցնենք, որ Միխեիլ Սաակաշվիլին ներկայումս բանտարկված է, նրա դեմ հարուցվել է մի քանի քրեական գործ:



կապված պետական միջոցների ապօրինի ծախսման, իշխանության չարաշահման եւ այլնի մեջ: Միխեիլ Սաակաշվիլին ձերբակալվել է 2021 թվականի հոկտեմբերի 1-ին:

ԱՆԿԵՂԾ ՈՐՈՇՈՒՄ, ԹԵ՞ ՆՈՐ ՌԱԶՄԱՎԱՐՈՒԹՅՈՒՆ

Վրաստանի երրորդ նախագահ, «Միասնական ազգային շարժում» կուսակցության հիմնադիր, ներկայումս բանտարկության մեջ գտնվող Միխեիլ Սաակաշվիլին՝ վրացական քաղաքականությունից հեռանալու որոշումը լայն արձագանք է առաջացրել:

Ինչպես հայտարարեց «Ազգային շարժման» նախագահ Նիկա Մելիան, կուսակցությունը ոչ մի տեղեկություն չունի վրացական քաղաքականությունից հեռանալու մասին Վրաստանի երրորդ նախագահի Միխեիլ Սաակաշվիլին որոշման վերաբերյալ:

- Ջարմանալի չէ նաեւ, որ առողջական նման վիճակում գտնվող մարդը չի մտածում եւ չի կարող մտածել քաղաքականության մասին: Ջարմանալի չէ, որ նրա փաստաբանները, անձամբ ինքը ամեն ինչ անում են Սաակաշվիլուն արտասահմանում հա-

մապատասխան բժշկական հաստատություն տեղափոխելու համար: Բայց ՄԱԸ-ի հիմնադիրը կուսակցության անբաժան մասն է, բնականաբար, միշտ այս կուսակցության հետ է լինելու,- ասաց Նիկա Մելիան:

Վրաստանի խորհրդարանի նախագահի առաջին տեղակալ Գիորգի Վոլսկու խոսքով, երրորդ նախագահը պատիժ չի կրում նրա համար, որ մասնակցում կամ չի մասնակցում քաղաքականությանը:

- Կատարվել են կոնկրետ հանցագործություններ, եւ նա պատժվում է այդ հան-

ցագործությունների համար,- հայտարարեց Գիորգի Վոլսկին: Եւ հավելեց, որ ինքը չգիտի, թե որքանով է անկեղծ Սաակաշվիլու մտադրությունը, սակայն, եթե նույնիսկ իրականում հեռանա, դա ոչինչ չի փոխի:

Վրաստանի խորհրդարանի փոխխոսնակ Արչիլ Թալակվաձեի կարծիքով, այս հայտարարությունը չի համապատասխանում ճշմարտությանը, դա ռազմավարություն է:

- Անկախ նրանից, թե դա ռազմավարություն է, թե մարտավարություն, Սաակաշվիլին կզբաղվի քաղաքականությամբ, թե ոչ, դա չի փոխի վրացական օրենսդրությունը, եւ նա պատասխանատվության կենթարկվի օրենքի համաձայն,- ասաց Արչիլ Թալակվաձեն:

COVID - 19

11 802 ՎԱՐԱԿՄԱՆ ԵՎ 10 ՄԱՀԱՆ ԴԵՂԵ՝ ՄԵՎ ՀԱՐԱԹՎԱ ԸՆԹԱՅՔՈՒՄ

Անցած շաբաթվա ընթացքում Վրաստանում գրանցվել է կորոնավիրուսով վարակման 11 802 նոր դեպք: Առողջացել է 10 233 բուժառու, 10-ը մահացել են: Այս մասին տեղեկությունը տարածել է Վրաստանի Հիվանդությունների վերահսկման ազգային կենտրոնը:

Մեկ շաբաթվա ընթացքում Վրաստանում 76 հազար 309 թեստավորում է կատարվել: 7-օրյա թեստավորման դրական ցուցանիշը կազմում է 15,47 տոկոս:

ՎՐԱՍՏԱՆՈՒՄ ԱՎԵԼԱՅԵԼ ԵՆ ՂՐԻՄ-ԿՈՆԳՈՅԻ ԴԵՂՔԵՐԸ

Ինչպես հայտարարեց Հիվանդությունների վերահսկման ազգային կենտրոնի ղեկավար Ամիրան Գամդրելիձեն՝ Վրաստանում վերջին 7 ամսում հաստատվել է Ղրիմ-Կոնգոյի 42 դեպք, մահացել է 2 հիվանդ:

Ամիրան Գամդրելիձեի խոսքով, Ղրիմ-Կոնգոն ամենախուրջ հիվանդություններից է: Բնորոշվում է բարձր ջերմությամբ, բերանի չորությամբ, գլխապտույտով, փսխումով, լորձաթաղանթների կարմրությամբ:

- 7 ամսում հաստատվել է Ղրիմ-Կոնգոյի 42 դեպք: Ցավոք, ունենք 2 մահ: Մահացության մակարդակը կազմում է 4,7 տոկոս: Ղրիմ-Կոնգո հիվանդությունը Վրաս-

տանում հայտնվել է 2009 թ., ամեն տարի ունեցել ենք 1-10-15 դեպք, իսկ այս տարի, ցավոք, հաստատվել է 42 դեպք,- նշեց Ամիրան Գամդրելիձեն:

Հիշեցնենք. Ղրիմ-Կոնգո հեմորագիկ տենդը սուր ինֆեկցիոն հիվանդություն է, արտահայտվում է թունավորմամբ ու բազմակի արյունազեղումներով: Վիրուսը փոխանցվում է մարդուն՝ տիգերից ու ընտանի կենդանիներից, իսկ մարդկանց միջեւ վարակումը կարող է կատարվել վարակվածների արյան, արտադրությունների, օրգանների եւ օրգանիզմի հեղուկների



հետ սերտ շփման հետեւանքով:

ՍՈՑԻԱԼԱԿԱՆ

ԼԱՐԻՆ ՇԱՐՈՒՆԱԿՈՒՄ Ե ԿԱՅՈՒՆԱՆԱԼ

(Սկիզբը՝ 1-ին էջում)

տրանսպորտային ծառայությունները՝ 2,7 տոկոսով:

Տարբեր ապրանքների եւ ծառայությունների խմբում, նախորդ ամսվա համեմատ, զներն աճել են 5.7 տոկոսով:

Գնի որոշակի նվազեցում է վավերացվել պարենային ապրանքների եւ ոչ ոգելից խմիչքների խմբում (զները նվազել են 1.4 տոկոսով), բանջարեղենի եւ այգեգործական բանջարեղենի (21,1 տոկոս), մրգի եւ խաղողի (9,4 տոկոս), ձկնեղենի խմբերում (1,6 տոկոս):

Միաժամանակ, գնաճ է վավերացվել կաթի, պանրի եւ ձվի (3,0 տոկոս), շաքարավազի, այլ քաղցրավենիքի (2,9 տոկոս),

ձեթի եւ ճարպի (2,4 տոկոս), հացի եւ հացաբլիթեղենի (2,0 տոկոս) խմբերում:

Գնաճի վրա բացասաբար է ազդում վառելանյութի բարձր գինը: Չէ՞ որ ապրանքների մեծ մասը տեղափոխվում է ավտոտրանսպորտով:

Բնականաբար, գործընթացների վրա ազդեցություն է գործում նաեւ գլոբալ արժեզրկումը, որը լուրջ հիմնախնդիրներ է առաջացնում գրեթե բոլոր երկրների համար: Նման պայմաններում իր վճռական խոսքը պետք է ասի Ազգային բանկը, որը լարիի կուրսի կայունացումը պետք է կարողանա առնչել արժեզրկման մակարդակի նվազեցմանը, դրանով իսկ էական ազդեցություն գործել գնաճի վրա:

ՆՊԱՍՏ ՄՏԱՅՈՂ ՔԱՂԱՔԱՑԻՆԵՐԻ ԹԻՎՆ ԱՎԵԼԱՑԵԼ Է

Վրաստանի սոցիալական ծառայությունների գործակալության կայքում հրապարակված վիճակագրության համաձայն, մեկ տարում կենսապահովման նպաստ ստացողների թիվը աճել է 19 տոկոսով:

Ըստ վիճակագրության 2022 թվականի հունիսին կենսապահովման նպաստ է ստացել 661 հազար 061 մարդ, ինչը 105 հազար 404-ով ավելի է նախորդ տարվա նույն ժամանակահատվածի տվյալներից:

Վերջին մեկ տարվա ընթացքում՝ 69 հազար 456-ով ավելացել է նաեւ այն մարդկանց թիվը, ովքեր կարծում են,

որ իրենք աղքատ են եւ ֆինանսական օգնության կարիք ունեն: Մասնավորապես, եթե 2021 թվականի հունիսին սոցիալական աջակցության նպատակային ծրագրում հաշվառված է եղել 1 մլն 054 հազար 567 մարդ, ապա 2022 թվականի հունիսին այս ցուցանիշը հասել է 1 մլն 124 հազար 023-ի: Այստեղ աճը կազմում է 6,5 տոկոս:

ՄՊԱՌՈՂԱԿԱՆ ՎԱՐԿԵՐԻ ՄԱՐՄԱՆ ԺԱՄԿԵՏԸ ԿՐՃԱՏՎՈՒՄ Է



Վրաստանի Ազգային բանկի որոշման համաձայն, սպառողական վարկերի մարման առավելագույն ժամկետը, որը ներկայումս սահմանված է 4 տարի, նվազեցվել է մինչեւ 3 տարի:

Ինչպես նշեց Ազգային բանկի նախագահ Կոբա Գվենետաձեն՝ փոփոխությունն ուժի մեջ կմտնի օգոստոսի 15-ից եւ կգործի մեկ տարի:

Ազգային բանկի նախագահի կանխատեսմամբ՝ այս փոփոխությունը

կնվազեցնի սպառողական վարկերի ձեւակերպման աճի տեմպերը:

- Ընթացիկ ժամանակահատվածում սպառողական վարկերի ձեւակերպման ցուցանիշի աճը նվազեցնելու նպատակով, նպատակահարմար ենք համարում կրճատել սպառողական վարկերի առավելագույն ժամկետը: Բանկային հատվածի հետ քննարկելուց հետո՝ որոշեցինք ժամկետը 4 տարուց կրճատել մինչեւ 3 տարի,- ասել է Ազգային բանկի նախագահ Կոբա Գվենետաձեն:

Փոփոխությունը վերաբերում է սպառողական վարկերի բոլոր տեսակներին:

ՄԱԿ-Ը ԿԱՆԽԱՏԵՍՈՒՄ Է

2050 ԹՎԱԿԱՆԻ ՀԱՄԱՐ ՎՐԱՍՏԱՆԻ ԲՆԱԿՉՈՒԹՅՈՒՆԸ ԿԿՐՃԱՏՎԻ 11,8 ՏՈԿՈՍՈՎ

Հունիսի 11-ին Միավորմած ազգերի կազմակերպության (ՄԱԿ) Տնտեսական եւ սոցիալական հարցերի դեպարտամենտը ներկայացրեց կանխատեսում, ըստ որի՝ երկրի վրա մարդկանց թիվը 2022 թվականի նոյեմբերի 15-ին կհասնի 8 միլիարդի: Նրա գնահատմամբ, արդեն 2023 թվականին Հնդկաստանն առաջ կանցնի Չինաստանից եւ կդառնա աշխարհի ամենախտաբնակ երկիրը:



Դեպարտամենտի կատարած հետազոտությունը ցույց է տվել, որ անցյալ տարի աշխարհի բնակչության աճի տեմպերը ցածր էին մեկ տոկոսից՝ 1950 թվականին վիճակագրություն վարելու սկզբից ի վեր առաջին անգամ: Ընթացիկ տարում սպասվում է 0,8 տոկոս ցուցանիշ: Մասնագետների հաշվարկների համաձայն, հաջորդ սահմանը՝ 8,5 միլիարդ, կհաղթահարվի 2030 թվականին: Այս հարյուրամյակի 80-ական թվականներին սպասվում է երկրի վրա բնակչության թվի առավելակետը՝ 10,4 միլարդ մարդ, այնուհետեւ ցուցանիշն այդ մակարդակում կմնա մինչեւ 2100 թվականը: Բնակչության շարունակվող աճը, նրանց կարծիքով, պայմանավորված է առաջին հերթին զարգացող երկրներում բարձր ծնելիությամբ: Ենթադրվում է, որ բնակչության ընդհանուր աճի կեսից ավելին բաժին է ընկնում ութ երկրների՝ Կոնգոյի Դեմոկրատական Հանրապետություն, Եգիպտոս, Եթովպիա, Հնդկաստան, Նիգերիա, Պակիստան, Ֆիլիպիններ եւ Տանզանիա:

Բնակչության թվաքանակի նվազեցման պատճառներն են նվազ ծնելիությունն ու արտագաղթը: Forbes հրատարակության հրապարակած ՄԱԿ-ի տվյալների համաձայն, 2020-2050 թվականներին բնակչության թվաքանակի արագ նվազում ներկայացնող 20 երկրներից 18-ում այն ակնհայտորեն կարտահայտվի: Խոսքը հիմնականում վերաբերում է Արեւելյան Եվրոպայի երկրներին, ինչպես նաեւ՝ Կուբային եւ ճապոնիային: Այդ տազմապալի ցուցակում առաջինը Բուլղարիան է, որտեղ, ըստ ՄԱԿ-ի կանխագծումների, 2050 թվականին բնակչությունը կկրճատվի 22,5 տոկոսով: Լատվիայի եւ Լիտվայի համար վերոնշյալ ցուցանիշը կազմում է մոտ 22 տոկոս, Ուկրաինայում՝ 20 տոկոս:

Վրաստանը բնակչության թվաքանակի արագ նվազող 20 երկրների թվում զբաղեցնում է 16-րդ տեղը, եւ, ՄԱԿ-ի կանխագծումներով, 2050 թվականին երկրի բնակչությունը կնվազի 11,8 տոկոսով:

Նշենք, որ 2014 թվականի մարդահամարի համաձայն, Վրաստանում ապրում էր

3713804 մարդ: Նոր մարդահամար ծրագրվում է անցկացնել 2024 թվականին:

Բնակչության թվաքանակի նվազման առաջին եւ գլխավոր պատճառը նվազ ծնելիությունն է: Պետերսոնի անվան միջազգային տնտեսական ինստիտուտի տվյալներով, Խորհրդային Միության փլուզումից հետո, այդ երկրի կազմի մեջ մտնող հանրապետություններում, ծնելիությունը կտրուկ նվազեց: Մի կնոջ հաշվով, ծնելիության միջին գործակիցը, տարածաշրջանում 1988 թվականի 2,1-ի դիմաց, 1998 թվականին նվազեց մինչեւ 1,2-ը: Իրավիճակի վրա իր ազդեցությունն է գործում նաեւ մահացության եւ արտագաղթի մակարդակը:

Այսօր մոլդովյան ամենախտաբնակ տարածաշրջանն Ասիան է, այնտեղ է բնակվում 4,7 միլիարդ մարդ՝ երկրի բնակիչների ավելի քան կեսը: Աֆրիկայում ապրում է 1,4 միլիարդ մարդ, Եվրոպայում՝ շուրջ 748,5 միլիոն, Լատինական Ամերիկայի եւ Կարիբյան ավազանի երկրներում՝ 665 միլիոն, Հյուսիսային Ամերիկայում՝ 373 միլիոն, Օվկիանայում՝ 43,8 միլիոն: Ամենամարդաշատ պետությունների՝ Չինաստանի (1,41 միլիարդ մարդ) եւ Հնդկաստանի (1,37 միլիարդ) քաղաքացիների թիվը կազմում է մոլդովյան բնակիչների ընդհանուր քանակի 35 տոկոսը:

Համաշխարհային բանկի տվյալներով՝ աշխարհում կյանքի միջին տեւողությունը 2020 թվականին կազմել է 73 տարի (ամենաբարձրը՝ 85, Հոնկոնգում ամենացածրը՝ 54, Կենտրոնաֆրիկյան Հանրապետությունում): Բացի դրանից, փոխվում է բնակչության տարիքային կառուցվածքը: Այսօր տարեց մարդիկ կազմում են ամենաարագ աճող տարիքային խումբն աշխարհում. եթե 1950-ական թվականներին 60 տարեկանից բարձր մարդիկ կազմում էին բնակչության ընդհանուր թվաքանակի 8 տոկոսը (մոտավորապես՝ 400 միլիոն), ապա, այսօր 10 տոկոսն են (մոտավորապես՝ 747,2 միլիոն): Ըստ կանխատեսումների՝ 2050 թվականին այդ ցուցանիշը կկրճատվի 11,8 տոկոսով:

ՏԱՐԱԾԱՆԵՐԱՆ

ՔՆՆԱՐԿՎԵՑԻՆ ՔՎԵՍՈ ՔԱՐԹԼԻ ԵՆԹԱԿԱՌՈՒՅՑԱՅԻՆ ՆԱԽԱԳԾԵՐԸ

Օգոստոսի 4-ին, Քվեմո Քարթլիի տարածաշրջանում պետական լիազոր, նահանգապետ Գիորգի Դոխտուրիշվիլու, մունիցիպալիտետների տեղական ինքնակառավարման մարմինների ղեկավարների մասնակցությամբ, անցկացվեց երկրամասային-խորհրդատվական խորհրդի նիստ, որտեղ քննարկվեցին տարածաշրջանի մունիցիպալիտետներում ընթացիկ եւ ծրագրված նախագծերը:



Տարածաշրջանի մունիցիպալիտետներում իրականացվելիք նախագծերի համար, կենտրոնական բյուջեից, ընդհանուր առմամբ, լրացուցիչ հատկացվել է 18 550 000 լարի, ինչը հնարավորություն կտա լրացուցիչ ֆինանսավորել 40 ենթակառուցային նախագիծ: Տարածաշրջանի յուրաքանչյուր մունիցիպալիտետում իրականացվելիք նախագծերի համար հատկացվում է 2 650 000 լարի:

Երկրամասային խորհրդատվական խորհրդի նիստում քննարկվեց նաեւ տարածաշրջանի գյուղերի եւ ավանների անվանափոխության հարցը: Ներկա դրությամբ, մունիցիպալիտետներում տեղի սակրեթուլոների որոշմամբ, իրականացվել է 132 փողոցի անվանափոխումը, իսկ առաջիկայում այդ թիվը կավելանա եւս 259-ով:

Էջը պատրաստեց ՅՈՒՐԻ ԽՈՐԵՆՅԱՆԸ

ՀԱՄԱԿԱՐԳԻՉՆԵՐ՝ ԱՆԱԼՔԱԼԱՔԻ ԵՎ ՆԻՆՈՇՄԻՆՂԱՅԻ ԴՊՐՈՑՆԵՐԻ ԱՇԿԵՐՏՆԵՐԻՆ

Ախալքալաքիի եւ Նինոծմինդայի դպրոցների թե՛ ավարտական դասարանների առաջատար աշակերտները, թե՛ առաջին դասարանցիները համակարգիչներ են մվեր ստացել:

Ինչպես տեղեկացրին Վրաստանի կրթության եւ գիտության նախարարությունից՝ «Իմ առաջին համակարգիչ» ծրագրի շրջանակներում, 2019-2020թթ. համակարգիչներ են ստացել Ախալքալաքիի մունիցիպալիտետի դպրոցներից 32, իսկ Նինոծմինդայի մունիցիպալիտետի դպրոցներից՝ 45 աշակերտ:

Ինչ վերաբերում է 2021-2022 ուստարվա առաջատար

աշակերտների թվին, ապա գործակալությունը մշակում է տվյալներ, հետեւաբար, շահառուների թիվը այս պահին դեռ հայտնի չէ:

Հարկ է նշել, որ համակարգիչ են ստանում այն աշակերտները, ովքեր յոթերորդ, ութերորդ եւ իններորդ դասարաններում ունեցել են 10 միավոր՝ առանց կլորացնելու:

Ինչ վերաբերում է առաջին

դասարանցիներին, ապա 2019-2020 ուսումնական տարում «Իմ առաջին համակարգիչ» ծրագրի շրջանակում համակարգիչներ ստացել են Ախալքալաքիի մունիցիպալիտետի դպրոցներում՝ 679 աշակերտ, իսկ Նինոծմինդայի մունիցիպալիտետի դպրոցներում՝ 311 աշակերտ:

Իսկ 2021-2022 ուստարում համակարգիչներ են տրվել Ախալքալաքիի քաղաքապետարանի դպրոցներում՝ 636 աշակերտի եւ Նինոծմինդայի քաղաքապետարանի դպրոցներում՝ 723 աշակերտի:

ՉՈՐՍ ՆՈՐ ՄՆԵԿԱՊԱՐՏԵՉ՝ ՆԻՆՈՇՄԻՆՂԱՅԻ ՄՈՒՆԻՑԻՊԱԼԻՏԵՏՈՒՄ

Այս տարի, Նինոծմինդայի մունիցիպալիտետում, չորս մանկապարտեզ է կառուցվում, իսկ Ղուլախ գյուղում սկսվեց տեղի մանկապարտեզի վերանորոգումը:

Մանկապարտեզը կկազմակերպվի գյուղի դպրոցի առաջին հարկում: Նախագիծը նախատեսում է նմանաբանակի, խաղասենյակի, ճաշասենյակի, հանդերձարանի, սրահի, տնօրենի սենյակի, բժշկի սենյակի եւ պահեստի վերանորո-

գում: Նախագիծը նախատեսվում է ավարտել 15 շաբաթվա ընթացքում: Այդ աշխատանքների համար քաղաքապետարանի բյուջեից հատկացվել է 120 հազար լարի: Մրցույթին մասնակցել է 7 ընկերություն: 111 990 լարիի տեմդերը շահել է «Ալմե»-ն: